

ԱՂՎԱՆԻՑ ԹԱԴԱՆՈՐԱԿԱՆ ՏԱՆ ՀԱՐՑԻ ՇՈՒՐՋԸ*

Բ. Ա. ՈՒՆՈՒԲԱՐՅԱՆ

Ն-րդ դարի սկզբին (428 թ.) Պարսկական պետությունը արևելյան Անդր-կովկասում ստեղծում է մի մարդպանություն, որի մեջ մտցնում է Աղվանքը, Ուտիքն ու Արցախը¹։

Մարդպանական վարչակարգի ստեղծումով վերացվեցին հայ Արշակուն-լաց և ալբանական (բուն Աղվանքի) միասնական թագավորությունները։ Սա-կայն նախարարական ներքին կյանքում, ինչպես արդեն նկատվել է պատմա-դիտության մեջ, սկզբնական շրջանում արտակարգ փոփոխություններ տեղի չունեցան²։ Նղիշին վկայությամբ՝ Արևելյան Հայաստանի Արշակունի թագա-վարության վերացումից հետո էլ երկրի տեր էին մնում տեղացի նախարար-ները, որոնցից ամեն մեկն իր նահանգի ինքնակալ իշխանապետն էր, ուներ իր զորքը, ինքնահատուկ ներքին կարգ ու կանոնը և մարդպանի միջոցով մի-այն հարկ էր տալիս Պարսկաստանին։ Այս մասի վերջին թագավորն էր Ար-տաշեսը, — գրում է Նղիշին — Երբ պարսից արքունիքը ռզնա ևս մերժեց ի թագաւորութենէն, ի նախարարսն Հայոց անկանէր թագաւորութիւնն. ղի թէ-պէտ և ղանձն յարքունիս Պարսկաց երթայր, սակայն այր ու ձին Հայոց ըո-վանդակ ի ձեռ նախարարացն առաջնորդէր ի պատերազմիս³։

Նվ պատահական չէ, որ մարդպանության շրջանում էլ, Չոզում նստած Աղվանից մարգսպանի կողքին, վերստին գլուխ էին բարձրացրել աղվանական հին մանր թագավորությունները, որոնք ոչ այլ ինչ էին, եթե ոչ նախկին ցե-ղային միավորումները⁴։ Իսկ Ուտիքի և Արցախի Առանշահիկներն էլ ձևաբ-րերեցին վարչական որոշակի ինքնուրույնություն, ստեղծեցին թագավորու-թյուն, որն իր ամենարուժն վերելքն ապրեց Վաչագան Բարեպաշտի օրերում։

Հինգերորդ գ. սկսած՝ հայկական աղբյուրներն Արցախ և Ուտիք նահանգ-ները ես կոչում են Աղվանք⁵։ Այս վերաբնակման մեջ որոշակի գեր պետք է ունենար մարդի եկեղեցին, որը վարչական նոր վիճակի պատճառով առանձ-նացվել էր, սակայն նվիրապետական տեսակետից ենթակա էր մնում հայոց լուսավորչական եկեղեցուն։

* Հոգվածը տպագրվում է մաքրի փոխանակության կարգով։

¹ Պատմադիտության մեջ րնդունված է Արցախի և Ուտիքի միացումն Աղվանքին հաշվել 387 թ., երբ Հայաստանը րածանվեց երկու մասի։ Պատմական աղբյուրների ուշադիր քննու-թյունը ցույց է տալիս, որ հիշյալ նահանգներն Արևելյան Հայաստանի կազմում մնացել են րնդուպ մինչև Արշակունյաց հարստության վերացումը (428 թ.)։

² Հ. Մ ա ն ա ղ յ ա ն, Քննական տեսություն հայ ժողովրդի պատմության, հատ. Բ, մասն Ա, Երևան, 1957, էջ 286։

³ Նղիշի վասն Վարդանայ և Հայոց պատերազմին. Երևան, 1957, էջ 6։

⁴ Նույն տեղում, էջ 74—75։

⁵ Այս առթիվ տե՛ս Կ ի ր ա կ ո ս Գ ա ն ձ ա կ և յ ի, Պատմություն հայոց, Երևան, 1961, աշխատասիրությամբ Կ. Ա. Մկիթ-Օհանջանյանի, Առաջարան, էջ Ը—Թ, Նաև՝ Աս. Մ ա ղ ա-կ ա ն յ ա ն, Աղվանից աշխարհի զրականության հարցերի շուրջը, Երևան, 1966, էջ 5։

Մարզի «Աղվանք» (պարսիկների, հետո էլ՝ արաբների կողմից «Առանձն կոչված») անունը աստիճանաբար մոռացության տրվեց անդրկուրյան երկրի առումով, որովհետև պարսկական տիրապետության օրոք, ինչպես ասացինք, վերականգնանացել էին նախկին ցեղային միավորումները և բաժան-բաժան երկիրը հենց այս միավորումների անուններով էլ կոչվում էր՝ հյուսիս-արևելյան մասը՝ Մասքթաց կամ Զողա աշխարհ, կենտրոնական մասը՝ Բաղասական աշխարհ, արևմտյան մասը՝ Լինիք և այլն։ Իսկ արաբական տիրապետության օրոք այս ամբողջ տարածքի վրա կազմավորվեցին վարչական նոր միավորումներ՝ Դերբենդի, Շիրվանի, Շաքիի ամիրայությունները։

Պարզ է, թե ինչու «Աղվանք» անունով հետագայում կոչվեցին միայն Արցախ և Ուտիք նահանգները, իսկ նրանց տեր Առանշահիկները՝ Աղվանքի (գրաբարում՝ Աղուանից) իշխաններ, թագավորներ։

10-րդ դ. պատմիչ Մովսես Դասխուրանցին, հիմք ընդունելով այս հայաշխարհ Աղվանքի մասին 7-րդ դարում ստեղծված պատմությունը, նրան է միացնում հետագա ժամանակներին վերաբերող նյութեր, ժամանակագրություններ, ինչպես նաև հին գաբրից եկող տեղեկություններ ու ավանդություններ։ Նա, իր հայրենիքի պատմությունն առավել հարուստ ու շքեղ ներկայացնելու նպատակով Պատմության մեջ է մտցնում նաև այնպիսի տեղեկություններ, որոնք վերաբերում են բացառապես անդրկուրյան Աղվանքին։ Այս եղանակով կազմվում է նաև Աղվանքի իշխանական-թագավորական տան ճյուղագրությունը, որի մեջ իրար են խառնվում միմյանց հետ կապ չունեցող վարչական միավորումների ու տարբեր տոհմերի ներկայացուցիչները։

Պատմիչը, թվարկելով հայոց ավանդական թագավորներին, գրում է. «Ի սոցա ծննդոց կարգեցաւ Առան նախագահ Աղուանից։ Եւ թիւ ասուրցն յԱռանայ մինչև ցՔաշ Վաչական, որ էր ի մեծ ազգէն Արշակունեաց՝ չէ յայտ։ Իսկ որք ըստ կարգի կային թագաւորք տանս Աղուանից՝ անուանք են այսոքիկ. Վաչական (առաջին), Վաչէ (առաջին), Ուռնայր, Վաչական (երկրորդ), Մրհաւան, Սատոյ, Ասայ, Եսուաղեն, Վաչէ (երկրորդ). ապա Բարեպաշտն Վաչական (երրորդ) արքայ Աղուանից»⁶։

Պահպանվել են թագավորացանկի համար նյութ հանդիսացած պատմական հիմնական աղբյուրները, և նրանց հանգամանալից չննությամբ հնարավոր է պարզել, թե ցուցակը ո՞ր չափով է համապատասխանում պատմական իրականությանը։

Այդ քննությանն անցնելուց առաջ ասենք, որ վերոհիշյալ ցուցակի սխալ ելակետից շարժվելով, որոշ գիտնականներ ավելի են շփոթել պատմական իրականության պատկերը։ Օրինակ, ակադեմիկոս Ա. Ե. Կրիմսկին արևելյան Անդրկովկասում հնագույն ժամանակներից մինչև արաբական տիրապետության անկման օրերը հանդես եկած բոլոր թագավորների ու իշխանների միջև ոչ մի տարբերություն չի տեսնում՝ ո՛չ ազգային, և ո՛չ էլ վարչական պատկանելության տեսակետից⁷։

Իսկ Կ. Վ. Տրեբերը, տեսնելով, որ հայկական աղբյուրներն իրենց Աղվանքում տիրող իշխանապետական նախնի Առանին համարում են հայ թագավորի

⁶ Մ. Կ ա ղ ա ն կ ա տ ու ա ճ ի, Պատմութիւն Աղուանից աշխարհի, Քիֆիս, 1912, էջ 51—52։

⁷ А. Е. Крымский, Страницы из истории Северного или Кавказского Азербайджана (Классическая Албания). Сборник С. Ф. Ольденбургу, Ленинград, 1934, стр. 290. 294—295.

նշանակած կուսակալ, հայտարարում է, թե «Հայաստանի ու Ալբանիայի շահերի մերձեցման պառակալով կարող էր ստեղծվել առասպել հայկական հողերի սովանդական կարգավորիչ վաղարշակի անմիջական ազդեցությամբ արանական թագավորություն կազմակերպման»:

Ս. Տ. Նրեմյանը մի տեղ Առանշահիկներին ու մասքութ-Արշակունիներին նույնացնում է՝, իսկ մի այլ տեղ այս Արշակունյաց տոհմի հիմնադրությունը հաշվում 338 թ.¹⁰:

Փորձենք բնութայն առնել վերը մեջ բերված թագավորացանկը:

Ուշադրավ է Մխիթար Այրիվանեցու փորձը այս ցուցակի հիման վրա ներկայացնելու Աղվանից թագավորական տան ճյուղագրությունը: Սակայն այս պատմիչն էլ իր հերթին մի շարքի վրա է դրել Աղվանից աշխարհի պատմության մեջ կուսակալ (նախագահ), թագավոր, իշխան կոչումներով հանդես եկող անունները, նրանց բոլորին համարել «թագաւորք Աղուանիցս», և ստեղծել մի այսպիսի տախտակ. «Առան, Ուռնայր, Վաչական..., Վաչէ, Յաւագան, Միրհաւան, Սատոյ, Նսաղին, Միհր, Արմայիլ, Վտորդ, Վարդան, Վարադման, Վարադ Գրիգոր, Զուանշէր Քաջ, Վարադ Տրդատ, Վաքզան, Ներսիս, Գագիկ, Ստեփանոս, Վարադ Տրդատ, Ստեփանոս, Ատրներսիհ, Գրիգոր, Սեադալ, Յովհաննէս թագ. Զայսլավի գտաք՝ երեսուն թուով»¹¹: Այստեղ առաջին ինն անունները շփոթված են, մի բան, որ Այրիվանեցու թարգմանիչ Ք. Պատկանյանը զրչական աղավաղում է համարել¹²: Սակայն, անկախ դրանից, Այրիվանեցու ցուցակը ես հարցր պարզելուն ոչնչով չի օգնում, քանի որ այստեղ բացակայում է քննական այն հայացքը, որ պիտի պարզեր, թե որտեղից և ի՞նչ հիմունքով են իրար կողք ընկել այդ անունները:

Ոչ ոք կասկածի չի ենթարկել Աղվանքի թողավորացանկի հավաստիությունը¹³: Սակայն Վ. Յ. Մինորսկին գտնում էր, որ «Թեպետ և թագավորների անունները մտցված են Մովսես Կաղանկատվացու ժամանակագրության մեջ, նրանց մասին տվյալները կցկտուր են ու խառնակ»¹⁴: Կասկածի հավասար այս վերաբերմունքին ես, դժբախտաբար, չի հետևել ցանկի անունների պատմա-քննական վերլուծությունը:

Հայ մատենագիրներն ու հետազոտող պատմաբանները քննվող ցանկի

8 К. В. Тревер, Очерки по истории и культуре Кавказской Албании, М.—Л., 1959, стр. 145.

9 См. «Очерки истории СССР III—IX вв.», М., 1958, стр. 314.

10 Ս. Տ. Նրեմյան, Հայաստանը ըստ «Աշխարհացոյց»-ի, Երևան, 1963, էջ 88:

11 Մխիթարայ Այրիվանեցու Պատմութիւն ժամանակագրական, Սանկտ-Պետերբուրգ, 1867, էջ 23:

12 Sбъ Хронологическая история, составленная отцом Мехитаром вардапетом Айриванским, пер. К. Патканова, СПб., 1861, стр. 348.

13 Ոացառություն է կազմում միայն Ն. Ակինյանը, որն աշխատել է ցույց տալ, թե Կաղանկատվացու (կամ Դասխուրանցու) թագավորացունի անուններից որո՞նք են իրական-պատմական և որո՞նք՝ հորինված: Սակայն նա էլ չի անդրադարձել այն հարցին, թե այդ իրական-պատմական թագավորներից ու իշխաններից որո՞նք են առնչվում անդրկուրյան Աղվանքի հետ և որո՞նք՝ Հայոց արևելից կողմանց. տե՛ս նրա՝ Մովսէս Դասխուրանցի (կոչուած Կաղանկատուացի) և իւր Պատմութիւնն Աղուանից, Վիեննա, 1970, էջ 80—96, 96—142 և այլն:

14 В. Ф. Минорский, История Ширвана и Дербента X—XI веков. М., 1963, стр. 29.

անունները կրողներին միշտ էլ համարել են Աղվանքի թագավորներ, իսկ ոչ հայ կովկասագետները՝ ալբանական թագավորներ:

Բայց հետաքրքիրն այն է, որ այս դեպքում ուսումնասիրողները, ցանկի հավանական ու անհավանական թագավորներին և նրանց շուրջն ստեղծված պատմություններն ընդունելով պատմական ճշմարտության տեղ, միաժամանակ մոռանում են հենց այդ անուն-թագավորների ազգագրական բնութագրումները, որ պահպանվել են Աղվանից աշխարհի պատմության մեջ: Եվ դա այն ժամանակ, երբ հենց այս բնութագրումներն են, որ հաստատվում են ուրիշ աղբյուրներով:

Աղվանից թագավորական տան պատմականորեն իրական պատկերը որոշելու նպատակով անհրաժեշտ է ցուցակը քննել օգտագործված աղբյուրների տեղեկություններով: Իսկ այդպիսի փորձ մինչև օրս չի արվել:

Այս քննությունն առավել ևս անհրաժեշտ է, քանի որ հենց ինքը՝ «Աղվանից աշխարհի պատմության» շարահարողն իր գրքում քանիցս խոստովանում է, որ այս ցուցակի թագավորների մասին իր գրածից ավելի ո՛չ ինքը տեղեկություն ուներ, ո՛չ էլ կարողացավ այդպիսիք գտնել հին աղբյուրներում: «Պատմութիւն ճշմարիտ առաւել քան ղնախաղահիւն Առանայ ի Վաղարշակայ տանս Աղուանից այլ ինչ ո՛չ գտաք մինչև ցՔաջն Վաչական, որ միանգամայն տիրեաց կողմանցս Աղուանից»¹⁵, — պարզասրտորեն գրում է պատմիչը: Կամ՝ «ըստ կարգի զորոյց յԱռանայ մինչև ցՈւռնայր Աղուանից արքայ և ցՏրդատ Հայոց արքայ ո՛չ գտաք, այլ հարեանցի գրեցաւ, որ ինչ ի պէտս էր տեղեակ լինել»¹⁶:

Աղվանք աշխարհի միասնական պատմությունը հյուսող պատմիչն ինքն է խոստովանում, որ մի դեպքում պատմական աղբյուր է ընդունում «զԱգաթանգեղոյ Պատմութիւն ցանկալի», մի այլ տեղ՝ «...յայսմ վայրի նպաստաւոր է մեզ քերթողահայրն Մովսէս»: Իսկ ուրիշ տեղերում էլ առանձին գրուխներ է արտագրում Եղիշեից ու Փավստոս Բուզանդից, առանց նրանց անունները տալու:

Իհարկե, այլ հարց է, թե պատմիչն ինչպես է մեկնաբանում քերթողահայր Մովսեսից ու մյուսներից քաղած տեղեկությունները: Այդ հարցը պարզելու համար մենք նախ և առաջ պետք է դիմենք իր իսկ վկայակոչած աղբյուրներին:

Հարցի քննությունը պահանջում է, ամենից առաջ, նկատի առնել երկրամասի վարչա-քաղաքական կյանքի երեք փուլերը.

ա) նախամարզպանական շրջան, երբ իրարից զատ գոյություն ունեին Ալբանիան կամ բուն Աղվանքը՝ իր Արշակունյաց թագավորությամբ և Մեծ Հայքի կազմի մեջ մտնող Ուտիք և Արցախ նահանգները՝ իրենց Առանշահիկ իշխանական տներով:

բ) Մարզպանական շրջան (428 թ. հետո), երբ Ալբանիա-Աղվանքն ու հայկական հիշյալ նահանգները մտնում էին պարսկահպատակ մեկ մարզի մեջ, ընդհանուր առմամբ պարտավոր էին ենթարկվել պարսիկ մարզպանին, սակայն ըստ էության ունեին ներքին ինքնուրույնություններ, և յուրաքանչյուր կողմը յուրովի էր օգտվում ինքնուրույնության այդ հնարավորությունից:

գ) Ետմարդպանական շրջան, երբ բուն Աղվանքում աստիճանաբար կազ-

¹⁵ Կ ա դ ա ն կ ա տ ու ա ճ ի, էջ 16:

¹⁶ Նույն տեղում, էջ 19:

մասնավորում են վարչական նոր միավորումներ, իսկ Արցախում անընդմեջ տիրություն են տնում Առանշահիկները, Ուտիք թափանցած Միհրանյան իշխաններն էլ, շուրջ մեկ դար տիրություն անելուց հետո, աստիճանարար հեռանում են ասպարեզից, իրենց պիրքերը պիջելով նահանգի բնիկ տեր Առանշահիկներին:

Այս պարբերացման հիմունքով էլ բնենք վերահիշյալ թագավորացանկը: Սկսենք Առանից՝ ցանկի առաջին անունից: Այստեղ, ի՛նչ խոսք, որ Աղվանքի պատմիչին «նպաստաւորէ բերթողահայրն Մովսէս» և ուրիշ ոչ ոք: Իսկ լերթողահայր Մովսէսի Առանը ոչ թե թագավոր է, այլ Մեծ Հայքի թագավոր Վաղարշակի կողմից Հայաստանի հյուսիս-արեւելյան մասի (Ուտիք, Արցախ) վրա կարգված կուսակալ¹⁷: Աստիճ. էր, որ սերվեցին այս նահանգների իշխանական առհմերը, որոնք հետագայում պետք է կոչվեին Առանշահիկներ:

Խորհնացու այս տեղեկությունն Առանի մասին վերաբերում է մ. թ. ա. իրկրորդ դարին, երբ Մեծ Հայքի միասնական պետության ներքին կարգ ու կանոնի նախանձախնդիր Վաղարշակ թաղավորն աշխատում էր իր երկրի ծայրամասերն ամրապնդել նախարարական տների իշխանությամբ:

Յուցակի իրկրորդ անունը Քաջ Վաչաղանն է, «որ միանգամայն տիրեաց կողմանցս Աղուանից»¹⁸, և «որ էր ի մեծ ուղղէն Արշակունեաց»¹⁹, Պատմիչ-շարահարողն Աստիճ. մինչև Քաջ Վաչաղանը եղածներից տեղեկություն չունի: Չի էլ ասում, թե վերջինիս մասին այս երկու շատ կարեւոր տեղեկությունը որտեղի՛ց է բազել: Սակայն հենց միայն այս տեղեկությունները բավական են՝ որոշելու համար, որ Վաչաղան Քաջը ըուն Աղվանքի այն առաջին թագավորն էր, պարթե Արշակունիների մի շառավիղը, որ մ. թ. առաջին դարում ուղվանական ցեղախմբերը միավորեց ու ստեղծեց միասնական թագավորություն («միանդամայն տիրեաց կողմանցս Աղուանից»):

Մյուս անունը, որ դարձյալ վերցված է նախորդ շրջանի մատենագիրներից, և որի մասին եղած տեղեկությունները կարող ենք ի մի բերել ու բնենել, Ուռնայն է:

Խորհնացուն²⁰ և Բուղանդին²¹ հայտնի Ուռնայն անդրկուրյան Աղվանքի թուլավորն էր և չէր կարող պատկանել Աղվանքի կամ Ուտիքի ու Արցախի իշխանական տանը, քանի որ Ուռնայրի ժամանակ (IV դ.) Ուտիքն ու Արցախը պտնվում էին Մեծ Հայքի թաղավորության կազմում:

Հաջորդ անունը Եսվաղենն է կամ Արսվաղենը, նա, որ Մեսրոպ Մաշտոցին օղնեց պիւ ու զպրութիւն տարածելու Աղվանքում:

Արոմիդներ, հավանարար, վերջին ներկայացուցիչն էր ալբանական Արշակունի թաղավորական տան, քանի որ նրա մահվանից հետո Աղվանքում ալլեւս միացյալ թագավորություն չկար: Եվ, սրանից բացի, Վաչագան Բարեպաշտի օրոք ալլ իրկիրն այնքան թուլացած էր, որ որոշ առումով կախյալ վիճակում էր գտնվում նույնիսկ Վաչագանի հռչակած Առանշահիկ թագավորությունից:

17 Մովսէս Խորհնացի, Պատմութիւն Հայոց, Տփղիս, 1913, էջ 111—113:

18 Կաղանկատացի, էջ 16:

19 Նույն տեղում, էջ 51:

20 Խորհնացի, էջ 304:

21 Բուղանդ, Պատմութիւն Հայոց, զպր. ն. գլ. 7:

Որ Արսվաղենը եղել է Ալբանիա-Աղվանքի թագավորը, պարզ երևում է Կորյունի տեղեկություններից: Հստ նրա պատմության՝ Մաշտոցը գնում է Անգրկուրյան Աղվանք. «և հասնալ ի թագաւորական տեղիսն», հանդիպում է թագավոր Արսվաղենի ու եպիսկոպոս Երեմիայի հետ, նրանց գործուն օժանդակութամբ դպրութիւն տարածում երկրում, հետո իջնում Բաղասական աշխարհը, այնտեղ ևս կատարում իր առաքելութունը: «Շրաժարէր ապա և ի թագաւորէն և յեպիսկոպոսացն և յամենայն եկեղեցւոյն Աղուանից», դալիս է Գարդմանք (Ուտիք), ուր նրան դիմավորում է նահանգի իշխան Խուրսը. «Եւ հանդէպ հասնալ գայր Գարգմանական ձորոյն: Ընդ առաջ լինէր նմա իշխանն Գարգմանից, որում անուն Խուրս կոչէին»²²:

Այսքանից չի կարելի չեզրակացնել, որ Կորյունի հասկացած Աղվանքը Կուրի ձախափնյակն է: Աջափնյակի՝ Հայոց արեւելից կողմանց առաջին գավառը (Գարդմանք) մտնելու համար Մաշտոցը հրաժեշտ պետք է տար Աղվանքի թագավորին, եպիսկոպոսին և այսամենայն եկեղեցւոյն Աղուանից: Վերջին արտահայտութիւնը հստակ որոշում է նաև գործողութիւն ժամանակը՝ նախամարդպանական շրջանը, որովհետև, եթե մարդպանութիւնից առաջ «ամենայն եկեղեցին Աղուանից» ձախափնյակում էր, ապա մարդպանութիւն օրոք Աղվանից եկեղեցու իրավասութիւն տակ էր մտնում նաև աջափնյակը:

Պարզվեց, որ Արսվաղենն Ալբանիա-Աղվանքի թագավորն է եղել: Ուրեմն՝ նրա անունը ևս չպետք է մտներ Հայոց արեւելից կողմանց տերերի ցանկը:

Թագավորացանկի մյուս անունները՝ Վաչագան երկրորդ, Վաչե առաջին, Մրհավան, Սատոյ, Ասա, անհնար է ստուգել, քանի որ պատմական աղբյուրները լռում են նրանց մասին, իսկ Աղվանից աշխարհի պատմության մեջ ներանք միայն ցանկի բաղադրիչներ են: Պատմիչը, չհայտնելով, թե որտեղից է քաղել այդ անունները, խոստովանում է, որ նրանց մասին տեղեկութիւններ չի գտել ո՛չ հին աղբյուրներում, ո՛չ էլ զրույցներում:

Ընդհանրացնելով վերն ասածները, կարելի է հաստատել, որ Աղվանից թագավորական տան ներկայացուցիչների ցուցակի իրական-պատմական անուններից Առանը իշխանական տան նախահայրն է, այն առաջին մեծը, որից, ըստ Խորենացու, սերվել են Հայոց արեւելից կողմանց իշխանական տները. «Ի սորա զաւակաց ասեն սերեալ... Գարգմանացւոց և Մաղեացւոց և Գուդարացւոց իշխանութիւնսն»²³:

Այս Առանից է «Առան» անունը, ինչպես նաև այդ աշխարհի՝ նույն նախնուց սերված իշխանական տան «Առանշահիկ» («Առանի տիրակալ») տիտղոսը:

Մեր պատմիչներն այս բոլոր ավանդական տվյալները հաստատուն հիմքի վրա են դնում Առանի ու նրանից սերված Առանշահիկների ազգագրական հատկանիշով. Առանը Սիսակի սերունդներից էր, իսկ Սիսակն էլ սերվում էր Հայկից (Խորենացի, Կաղանկատվացի ու հետագաներ): Դասխորանցու օգտագործած մի կոնկրետ աղբյուրը՝ Ջիվանշիրի ժամանակագիրը (VII դ.) ճանաչում է «զնախնական ազգս Հայկազնեայց զԵռանշահիկս»²⁴, իսկ Կիրակոս

²² Կորյուն, Վարք Մաշտոցի, Երեւան, 1941, էջ 72:

²³ Խորենացի, էջ 113:

²⁴ Կաղանկատուցի, էջ 196:

Դանձաւկեցին Հայոց արեւելից կողմանց տերերին դիտե որպէս «ի զարմից Հայկալ»՝ յաղդականութիւնէն Առաւնայա²⁵։

Խաղավորացանկի հաջորդ անունը Վաչին է։ Նա, որ Վարդանանց ապըստամբութիւնից հետո ըմբոստացալ պարսից դեմ, երկար ճակատամարտերի վերջում էլ թողից իր զահր, ձեռքն ավեհարան առաւ ու գնաց ապաշխարելու։ Աղվանքի Պատմութեան շարահարողն այս ամբողջը վերցրել է Եղիշեից, որի մոտ Աղվանքի թաղավորն անուն չունի։ Եղիշեից արտագրածին ավելացրիւ է Վաչե անունը ե մեկ էլ նրա եղբոր Հաղկերտ անունը (այս Հաղկերտից, իրր թի, ծնւիլ է ապագա թագավոր Վաչագանը)։ Պատմիչը չի ասում, թի իրեն որահագից են հայտնի Վաչե ու Հաղկերտ անունները։

Սերսես Ակինյանն այն կարծիքն է հայտնել, թե Վաչէի մասին այս ամբողջ պատմութիւնը հորինված է Հոռմի թագավորի որդու վարքի նմանութեամբ, որն ագթատութիւն հանձն առնելով, մի ավետարան է վերցնում և առանձնանում Եգիպտոսի անապատում ապաշխարելու։ Պատմութիւնը հայերէն է թարգմանվիլ 873-ին, Ատոմավանքի առաջնորդ Գագիկի ձեռքով²⁶, Հետեւողես, IX դ. տետք է մոծված լինիր Եղիշեի Պատմութեան մեջ, նրանից էլ փոխանցված Աղվանքի պատմութեանը։

Ընդ հաւանական է թվում ն. Ակինյանի կարծիքը, մանավանդ երբ կան յոյդ կարծիքը հաստատող ուրիշ փաստեր էլ, որոնք բանասերը չի նկատել։ Եղիշեի պատմութեան մեջ անդրկուրյան Աղվանքը ներկայացված է իր բազկացուցիչ երկրամասերով, և, որ ամենակարեւորն է, այս երկրամասերի տերերը կոչում են Վարդանանց դեմ։ Այսպէս. Լոփնաս դետի ափին հայոց զորքերը ճակատամարտ են տալիս Բաղասական զորքերի դեմ, նրանց թագավորացունները ծանր վնասներ են հասցնում հայ զորագետներին²⁷։

Իշնամի բանակներին մեջ էր Լփնիքը, որի թագավորի եղբայր Վուրկին ու շատ պիւնդոնների կոտորում է Արշավիր Արշարունին²⁸։

Ըմաքութենին էլ, ըստ այս պատմութեան, Վաչիի համար օտարներ էին, որոնց հետ նա պետք է դաշնակցեր պարսից դեմ կռվելու համար։

Այս պայմաններում անդրկուրյան Աղվանքի ո՞ր մասի թագավորն էր Վաչեն։ Ինչպիսի է, որ այս երկրի թագավոր կոչվածը թշնամանում է Պարսից դեմ՝ հայոց իշխանների հանդեպ զործադրված տանջանքների համար, իսկ յոյդ նույն թագավորի երկրի տարբեր մասերը կոչում են հայերի դեմ։

Ըիթի սա չի խոսում այն մասին, որ Վաչիի թագավորութիւնը Կուրի ձախափնյակում՝ անհնար ու անտրամաբանական է։

Իսկ աշտինյակի հետ Վաչիին կապում է միայն ավանդութիւնն այն մասին, թի գահից հրաժարվելուց հետո նա ապաշխարել է Ավետարանոց զորդութմ²⁹։

²⁵ Կ. Գ ա ն ձ ա կ ե ց ի, էջ 193։

²⁶ Ն. Ա կ ի ն յ ա ն, Մովսէս Դասխուրանցի (կոչուած Կաղանկատուացի) և իր Պատմութիւնն Աղուանից, էջ 89։

²⁷ Ե ղ ի շ է, էջ 76։

²⁸ Նույն տեղում, էջ 77։

²⁹ Ս. Զ ա յ ա լ ի ա ն ց, Ծանապարհորդութիւն ի Մեծն Հայաստան, մասն Բ, Տիփիս, 1858, էջ 213։ Հեղինակն այստեղ Վաչիի փոխարին զրում է Վաչագան, սակայն մեջ է բերում Աղվանքի Պատմութեան Վաչիին վերաբերող հատվածը և Գլուտ կաթողիկոսի թղթերը։

Հաջորդ անունը Վաչագան Բարեպաշտն է³⁰:

Բարեբախտաբար Աղվանքի պատմության մեջ է մտել ականատես ժամանակագրի գրածը Վաչագանի մասին: Եվ թվում է՝ դժվար չէ որոշել, թե մանակագրի գրածը Վաչագանի մասին: Եվ թվում է՝ դժվար չէ որոշել, թե Պատմության մեջ նրա գործունեությունը պատմող գլուխների տեղեկություններից որո՞նք են ժամանակագրինը և ի՞նչն է ետնամույծ, որ չի կապվում պատմական ճշմարտության հետ:

Հայտնի է, որ 428 թ. պարսից արքունիքը վերացրել է Արշակունյաց թագավորությունն Արևելյան Հայաստանում: Կոնկրետ տեղեկությունները բացակայում են, սակայն պետք է ենթադրել, որ միաժամանակ վերացել է նաև ալբանական (մասթթաց) Արշակունիների թագավորությունը: Սա միակ տրամաբանական ելքն է, որովհետև պարսիկ Սասանյանք Արշակունիների տոհմական հակառակորդներն էին. եթե իրենց հպատակ Հայաստանում վերացրել էին հակառակորդին, չէր կարող պատահել, որ նույնը չանեին նաև հարեվան Ալբանիայում: Ապա. Աղվանք մարզպանության ստեղծումը համընկնում է այս ժամանակին: Եթե այդ մարզպանության մեջ էր մտնում նաև Ալբանիան, նշանակում է, այն այլևս չէր կարող ունենալ ինքնուրույն միասնական թագավորություն:

Ժամանակագրի վկայությամբ՝ Վաչագանին թագավոր է ձեռնադրել պարսից Վաղարշ արքան (484—488)³¹:

Պատմարանները մինչև այսօր էլ անհիմն կերպով Վաչագանին համարում են Ալբանիայի թագավոր, նույնիսկ մասքութ և Արշակունի, Սակայն ըստ աղբյուրների ընձեռած տեղեկությունների՝ նա Հայոց արևելից կողմանց Առանշահիկ թագավորության հիմնադիրն է:

Վաչագանի թագավորությունը ժամանակով առնչվում է Խորենացու պատմության ստեղծման հետ. իսկ այդ ժամանակից սկսած հայկական աղբյուրները Աղվանք են ճանաչում հիմնականում Երասխի ու Կուրի միջագետքը³², Աղվանքի պատմության հիմքում ևս այս ըմբռնումն է ընկած³³:

Արցախում էին գտնվում ինչպես Վաչագան Բարեպաշտի կառուցած արքայանիստ Գյուտական գյուղը³⁴, այնպես էլ ամարանոց Աղվինը³⁵,

Պարտավն սկզբնապես կառուցվել էր պարսից մարզպանների համար: Այդ պատճառով էլ Վաչագանն առնչություն չունի այդ քաղաքի ու շրջակայքի հետ: Նրա ամբողջ գործունեությունը ծավալվում է Արցախական աշխարհում, Ուտիքում և անգրկուրյան հինավուրց Կամրեճան գավառում:

Ժամանակագիրն ասում է. «...Ըստ թուոց աւուրց տարւոյն Եկեղեցիս

³⁰ Ն. Ակինյանը վերահիշյալ ուսումնասիրության մեջ այն կարծիքն է հայտնել, թե Վաչագանը ևս պատմական անձնավորություն չէ (տե՛ս նշվ. աշխ., էջ 126—127 և այլն), Մենք արդեն ցույց ենք տվել, որ այս կարծիքն անհիմն է, և Վաչագանի պատմականությունն ապացուցել ենք աղբյուրների քննությամբ (տե՛ս «Դարձյալ Աղվինի ժողովի դոմարման տարեթվի մասին», «Լրաբեր հասարակական գիտությունների», 1969, № 6, էջ 51—60):

³¹ Կ ա ղ ա ն կ ա տ ու ա ճ ի, էջ 55, 57:

³² Խ ո ռ ե ն ա ճ ի, էջ 113:

³³ Կ ա ղ ա ն կ ա տ ու ա ճ ի, էջ 14:

³⁴ Նույն տեղում, էջ 150: Ս. Զ ա լ ա լ ե ա ն ջ, Ժանապարհորդութիւն ի Մեծն Հայաստան, Բ մաս, էջ 348—349: Մ. Բ ար ի ու տ ա ր ե ա ն ջ, Արցախ, էջ 230:

³⁵ Ս. Տ. Երեմյան, Հայաստանը ըստ «Աշխարհացոյց»-ի, էջ 34:

միայն Բարեպաշտն Վաչական շինեաց յԱրեւելս³⁶։ Մի ուրիշ տեղ. «Եւ կարողալ տեղեաց-տեղեաց իղիսկոպոս և հայկցոցս ի Կամբեճս, ի յԱղուանս...»³⁷։

Նվ, վերջապէս, Վաչաղանին հպատակ աշխարհը կամ նրա տիրույթը հենց Արցախն էր. «Հրաման տայր (Վաչաղանը)... Արցախամուր աշխարհին իւրում ծառայութեանն...»³⁸։

Որ Վաչաղանի ծառայութեան տակ հիմնականում միայն Հայոց արեւելից կողմանքն էր դտնվում, դա տարրը երևում է նաև նրա կաշմակերպած Աղվանի ժողովի մասնակիցների ցուցակից։ Դիշտ է, մասնակիցների մեջ հոյեկորականներ կային «Աղվանից, Լիւնաց և Չոզայ» երեք աշխարհներից, սակայն աշխարհիկ տերեր կային միայն Արցախից («աղատ մարդիկ և նահապետք Արցախայ»)՝³⁹ և Ուտիքից⁴⁰։

Ասացինք, որ Վաչաղանին թագավոր էր ձևադրել պարսից Վաղարշ արքան։ Պետք է կարծել, որ Վաղարշը նրան լիազորել էր նաև անգրկուրյան դավառների վերահսկողութեան իրավունքով, քանի որ ժամանակագիրը վկայում է, թէ ինչպէս Ալրանիայի նախկին թագավոր Արսվաղենի խոճկորիկ անունով որդին Վաչաղանի կողմից կուսակալ էր կարգված ձախափնյակի Յրի քաղաքում⁴¹։ Այս փաստը հիմք է հանդիսանում ենթադրելու, որ համանման կուսակալներ կարգված են լիւլ նաև ձախափնյակի մյուս քաղաքներում ու դավառներում։ Ձախափնյակի վրա վերահսկելու այս լիազորությունը հետագայում էլ իրականացնում էր Գարդմանքում նստած Միհրանյանների ամենահզոր ներկայացուցիչ Ջիվանշիրը։ Վերջինս տերն էր միայն Գարգմանքի⁴², բայց վերահսկում էր նաև անգրկուրյան տարածքի բնակիչներին⁴³։

Կա պատմիչի մի ընդհանրացնող դիտողությունը։ Ըստ այս դիտողության երկրի հայադուներին խառնվել է պարսից Միհրանյաններից մի շառավիղ (Առանշահիկ Սահլի որդի Ատրնեբսեհն ամուսնացել է Միհրանյան տոհմից մնացած միակ աղջիկ Սպարամի հետ)։ Այս պատվաստից առաջացած իշխանությունն էլ շարունակել է տեր մնալ Աղվանքում. «Ստուգաբանութեամբ այսպէս ծանեաք,— գրում է շարահարողը,— ընդ Հայկազնեայց արանդ խնամատուրի Միհրական տոհմին, և պատուաստութեամբս այսուիկ ղոյգ ունել զպետութիւն Արեւելից կողմանցս Աղուանից»⁴⁴։

Ուրեմն, մինչև Միհրանյանների Գարդման գալը, աջափնյակի տերերը եղել են միայն Առանի հաջորդները։ Նրանք նախարարներ էին մարդպանութեան ստեղծումից առաջ։ Մարդպանութեան ներսում Առանշահիկ իշխանադուն Վաչաղանն ստեղծեց թագավորություն, որը գոյատևեց մինչև Համամ Բարեպաշտի թագավորությունը, սրան հաջորդած Խաչենի իշխանությունը և հետագաները։

Յուցակի մյուս անուններից աղբյուրների օգնությամբ կարողացանք պարզել միայն Վաչաղան Բաջի, Ուտնայրի և Արսվաղենի ինքնությունը։

36 Կ տ ո ղ ա ն կ ա տ ու ա ջ ի, էջ 230։

37 Նույն տեղում, էջ 60։

38 Նույն տեղում, էջ 57։

39 Նույն տեղում, էջ 98։

40 Նույն տեղում, էջ 103։

41 Նույն տեղում, էջ 66, 67, 85։

42 Նույն տեղում, էջ 208։

43 Նույն տեղում, էջ 209։

44 Նույն տեղում, էջ 386։

Սրանք եղել են միասնական Ալբանիայի թագավորական տան ներկայացուցիչները:

Հալ մատենագիրներից առաջինն Ագաթանգեղոսն է, որ խոսում է Ալբանիա-Ադվանքում թագավորական տներ հիմնելու հանգամանքների մասին: Նրա պատմության հունական օրինակում պահպանված մի հատված, որ հին, լիակատար բնագրից է մնացել, այսպես է ներկայացնում պարթև Արշակունիների ճյուղագրությունը. «Պարթևք՝ իբրև դէպք ի բարի յաջողէին նոցա, զթագաւորութիւն Պարսից, զՀայոց և զՀնդկաց՝ որ սահմանակից են արևելեայ Պարսից, նա և զխստալուծ զազգն Մազքթաց յինքեանս կորզեալ ժառանգէին, այսպիսի իմն կարգաւ. երիցագոյնն ի Պարթևաց տոհմէ, որ ապա ՂԱրշակունի ընկալան անուն, հասակաւ և արութեամբ շքեղ, գէր ի վերոյ քան զայլս երևեալ, նա կալաւ զիշխանութիւն արքայութեանն Պարսից: Եւ որ երկրորդն էր զյին նորա, զՀայաստանեայց առնոյր յինքն զթագաւորութիւն. իսկ որ երրորդն էր՝ զՀնդկացն կալաւ ղտերութիւն, զհպատորն սահմանաց Պարսից: Իսկ շորորդն ի նոցանէ՝ զՄազքթացն ընկալաւ զիշխանութիւն թագաւորութեան»⁴⁵:

Ագաթանգեղոսի հաղորդած տեղեկությունը հաստատվում է հունա-հռոմեական այնպիսի հեղինակի վկայությամբ, որն այս դեպքերի ժամանակակիցն է, որոշ առումով նույնիսկ ականատեսը: Դա հռոմեացի Կոռնելիոս Տակիտոսն է (55—120), որը ոչ միայն խոշոր պատմաբան ու աշխարհագետ էր, այլև Հռոմեական կայսրության մեջ զբաղեցնում էր Ասիական շրջանի պրոկոնսուլի պաշտոնը:

Տակիտոսը պատմում է պարթև Արշակունի Վաղարշի (Վուլգեզ) գործադրած ջանքերը՝ ի նպաստ իր գահակից եղբայրների գլուխներն արքայական թագերով զարդարելուն: Սա միայն եղբայրներին արքաներ դարձած տեսնելու ցանկությունից չէր: Չնայած դա ևս չի կարելի երկրորդական խնդիր համարել, քանի որ ինքն այլևս ազատ կլինեի գահակից եղբայրների հավակնություններից: Հզոր պարթև արքան ուզում էր հարևան տերությունների միասնական-բարեկամական կապերի միջոցով իր հայրենի Պարսկաստանն անխոցելի դարձնել հյուսիսային ու արևմտյան կողմերից:

Վաղարշ-Վուլգեզն ասում է. «Տրդատը՝ ծնված այն հորից, որից և ինքս, լինելով տարիքով ինձնից փոքր, առաջնությունը զիջեց ինձ, և ես նրան տվի Հայոց թագավորությունը, որը մեր տոհմի մեջ համարվում է տիրակալության երրորդ աստիճանը, քանի որ մարաստանցիներին դրանից առաջ իր ձեռքի տակ էր առել՝ Պակոր» (Բակուր)⁴⁶:

Տակիտոսը հին ըմբռնումով է խոսում Բակուրի երկրի մասին: Այս ժամանակ Պարսկաստանի հյուսիսային մասն այլևս Մարասան չէր, այլ կոչվում էր Ատրպատական (մ. թ. ա. IV դ. պարսից կողմից այնտեղ կուսակալ կարգված Ատրոպատի անունից): Ագաթանգեղոսն էլ Տակիտոսի «մարերին» «հնդիկներ» է կոչում: Սակայն սա քննվող հարցի համար երկրորդական նշանակություն ունի: Ագաթանգեղոսի մոտ Վաղարշի երրորդ կամ կրտսերագույն եղբայրը թագավոր է մասքթաց աշխարհում, որն Ալբանիա երկրի հյուսիսարևելյան մասն էր, ծովամերձ շրջանները՝ Չողից սկսած: Սա էր, որ, ալբա-

⁴⁵ Դ. Ջարպահանյան, Պատմութիւն հայ հին դպրութեան, Վենետիկ, 1932, էջ 212, ⁴⁶ К. Тацит, Сочинения, т. I, Ленинград. 1969, стр. 281 (кн. 15, § 2).

նական ցեղերի միությունն առնելով իր տիրապետության տակ, հիմնադրեց մառթթաղ կամ ալրանական Արշակունի թագավորությունը:

Խաղավորացանկում Վաչագան Քաջը համարվում է Արշակունի և ընդմիջումից հետո հաջորդում է Առանին. «Եւ թիւ աւուրցն յԱռանայ մինչև ցՔաջն Վաչական, որ էր ի մեծ ազգէն Արշակունեաց՝ չէ յայտա՝: Հեղինակն ուզում է ասել՝ Վաչագան Քաջն առաջին Արշակունին է իր ցանկի մեջ, Եթե այդպես է, ուրեմն՝ սա պետք է լիներ պարսից թագավոր Վաղարշակ Ա-ի և հայ Արշակունեաց հարստության հիմնադիր Տրդատի (թագավորից 66 թ.) կրտսեր եղբայրը, որ «գմադրթացն ընկալաւ զԻշխանութիւն թագաւորութեան» (Ագաթանգեղոս), Այս պարագային իրավացի է Աղվանքի պատմիչը, երբ համոզված է, որ Առանից (II դ. մ. թ. ա.) մինչև Քաջ Վաչագանն ընկած ժամանակաշրջանում ուրիշներն էլ են եղել Սակայն ճիշտ չէ, երբ մասքթաց (ալբանական) թագավորին ու Մեծ Հայքի արեւելյան նահանգների կուսակալ Առանին դնում է միեւնոյն շարքի մեջ:

Որ Ալրանիայի (մասքթաց) միասնական թագավորության ներկայացուցիչներն իսկապես եղել են Արշակունի և ցեղակից հայ Արշակունիներին, դա հաստատվում է նաև Փավստոսի հանգամանալից տեղեկություններով Մ. թ. IV դ. առաջին կեսին մասքթաց թագավոր Սանեսանին իր տիրապետության ապկ ուներ անդրկուրյան երկրի (Ալրանիայի) բոլոր ցեղերին, և երբ հայոց դեմ մղած ճակատամարտում ընկավ, խոսքովը հանձին նրա՝ ճանաչեց իր ազդակցին՝ ուսրթե Արշակունի հինավուրց տոհմի ներկայացուցչին⁴⁷,

Ահա Բուղանդի Պատմության այդ հատվածը. «Յայնմ ժամանակի թագաւորն մագրթաց Սանեսան անհնարին նիւթեաց զսրտմտութիւն ռիսութեան ընդ իւրում սղգակցին խոսրովու արքային Հայոց, և զումարեաց ժողովեաց զամենայն դօրս Հոնաց, և Փոխաց, Թաւասպտաց, Հեճմատակաց, Իժմախաց, Գաթաց և Գդուտրաց, Գուդարաց (կարգալ՝ Գարդարաց.— Ու. Բ.), Շչրաց և Ճղրաց, և Բաղասճաց և Եղբստանացն և այլոց խառնադանճ բազմութեամբ անթիւ անրնակ վաշկատուն զօրութեանց, որում միանգամայն ինքն իշխէր զօրացն բազմաց, Եկն անց ըստ իւր սահմանն ընդ դետն մեծ ընդ Կուր, և եկն տարածեցաւ զերկիրն Հայոց աշխարհին»⁴⁸,

Սույն պատմությունը մտել է նաև խորենացու գրքի մեջ՝ փոքր ինչ այլ խմբագրությամբ: Սեդ առավել հավաստի է թվում Բուղանդի պատումը, որովհետև նրա հաղորդած մանրամասներն ստույգն են ու ճշգրտվում են վերոհիշյալ աղբյուրներով: Բուղանդը ցույց է տալիս Սանեսանի ղորանիստը, որը նաև նրա աթոռանիստն է եղել, և զա համապատասխանում է երկրի մայրաքաղաք Զոզին: Ապա Գրիգորիսի նահապետության վայր Վատնյա⁴⁹ դաշտը,

⁴⁷ Կ ա ղ ա ն կ ա տ ու ա ճ ի, էջ 51:

⁴⁸ Վ. Ֆ. Մինորսկին, Փավստոսի ու խորենացու՝ Սանեսան-Սանատուկին վերաբերող հատվածներից ենթադրել է, թե «հայ Արշակունի Սանեսանը իր համար ձեռք գցեց մի թագավորություն Կուրից հյուսիս, Կասպից ծովի մոտ (այն շրջանում, որ հետո կոչվել է Մոսքոտ) և հակադրվեց իր եղբոր (կամ ազգականին)՝ Հայաստանի թագավոր խոսրովին» (316—325) թ. տե՛ս նրա «История III вв. в Армении и Дербенда», էջ 37:

Ինչպես վերը տեսանք, Սանեսանը Հայաստանի հետ կապ չուներ, իսկ խոսրով Դ թագավորն էլ դահակալ էլ ոչ թե 316—325 թթ., այլ 330—338 թթ.:

⁴⁹ Փ. Բ ու ղ ա ն դ, Պատմութիւն Հայոց, Թիֆլիս, 1913, էջ 24:

⁵⁰ Վատնյա դաշտ—վատն ցեղի անունից է. այդ ցեղի ազգազավառի դաշտը:

որը Չոդի մոտ էր, նրանից հարավ, Թվարկում է Սանեսանին հպատակ ցեղերը, և դրանք բոլորն էլ ալբանական միության բաղկացուցիչներն էին: Յույց է առաջին Սանեսանի երկրի հարավային սահմանը, որ Կուր գետն է: Եվ երբ այսքանից առաջ ասել էր⁵¹ ու այսքանից հետո էլ կրկնում է, թե Սանեսանը մասքթաց Արշակունի թագավորներից է⁵², մեղ ալլես ոչինչ չի մնում, քան հավատալ, որ խոսքն I դ. պարթևներից սերված այն տոհմի մասին է, որը ևեկավ Ալբանիա, դարձավ նրա տարալեզու ցեղերի գլխավորը և իր տիրապետությունը պահեց մինչև մարզպանական շրջանը:

Ալբանական (մասքթաց) մյուս Արշակունի թագավորը, որի մասին հայկական աղբյուրները (Կորյուն, Խորենացի, ապա Կաղանկատվացի և այլք) պահպանել են որոշակի վկայություններ, ինչպես տեսանք, Արսավաղենն է, որով և սպառվում է մասքթաց Արշակունիների թագավորությունը:

Ամփոփելով Աղվանից աշխարհի պատմության մեջ տեղ գտած թագավորացանկի քննությունը, եզրակացնենք, որ այս ցանկի մեջ միևնույն շարքում թվարկված թագավորներն ու իշխաններն իրականում բոլորովին էլ միևնույն երկրի տերերը չեն եղել: Այստեղից.

ա) Աղվանից աշխարհի պատմության նկարագրած իշխողներն են եղել Առանը, Վաչագան Բարեպաշտը և վերջինիս հաջորդած Առանշահիկներն ու Միհրանյանները:

բ) Վաչագան Քաջը, Սանեսանը. Ուռնայրը և Եսվաղենը թագավորել են անդրկուրյան Աղվանքում (Ալբանիա):

գ) Առաջին ու երկրորդ Վաչենների, Վաչագան երկրորդի, Մրհավանի, Սատոյի ու Ասայի մասին ոչինչ ասել հնարավոր չէ, քանի որ նրանց մասին ուրիշ ոչ մի տեղեկություն հայտնի չէ: Պարզ է միայն մի բան՝ նրանք Աղվանից աշխարհի պատմության նկարագրած միջավայրի տերերը չեն եղել, որովհետև թագավորներ են հայտարարված այնպիսի ժամանակների համար, երբ այս միջավայրում իշխողներն Առանշահիկ իշխաններն էին:

Արդ. ե՞րբ և ի՞նչ նպատակով է կազմվել մեր քննության առած ցանկը:

Նիկ.Ադոնցը գտնում էր, որ Աղվանից աշխարհի համահավաք պատմություն ստեղծելու շարժառիթ են հանդիսացել X դ. հայոց կյանքում ծայր առած կենտրոնախույս տրամադրությունները: Մովսես Կաղանկատվացին կազմել է իր Պատմությունը գրեթե նույն ժամանակ, ինչ Հովհաննես կաթողիկոս և Թովմա Արծրունի, X դ. առաջին կեսին, այսպես ասած՝ հատվածական կամ տեղական հայրենասիրության շրջանին. Հովհաննես կաթողիկոսը գրել է Բագրատունիների պատմությունը, Թովման՝ Արծրունիների, Կաղանկատվացին՝ նրանց հետևելով՝ Աղվանից կամ Արցախի իշխանների: Մերձավոր առիթն է, հավանորեն, Աղվանից իշխանի՝ Սահակ Սևադա զորավոր իշխանի՝ իր որդի Գրիգորի հետ ճակատիլը Սմբատ և Աշոտ Երկաթի դեմ և կարողանալը պաշտպանել իր անկախությունը, և Գրիգորի՝ որդուն՝ Սևադա Բ. Իշխանիկի տրբայական թագ կապելը...»⁵³,

Ականավոր գիտնականն իրավացի է: Դրա ապացույցն է այն խանդավառ բավականությունը, որով հեղինակը Սահակ Սևադայի անջատողական դոր-

⁵¹ Բ ու դ ա ն դ, դպր. երրորդ, գլ. 2:

⁵² Նույն տեղում, գլ. է:

⁵³ Ն. Ա դ ո ն ց, Խորենացիական հարցն ու հ. Վարդան Հացունի (տե՛ս «Անահիտ», 1948, № 1—3, էջ 86—87).

ծունելությունն է նկարագրում կամ նրա թոռ Հովհաննես-Սենեքերիմի թագադրության փաստը: Դասխուրանցին (Կաղանկատվացի) իսկապես կազմել է (ոչ թե գրել) այս պատմությունը՝ ի մի հավաքելով V—X դդ. հյուսված ժամանակագրություններն ու բազմահարուստ նյութերը: Թագավորացանկը նրա համար մի երջանիկ գլուխ է եղել՝ ցույց տալու համար իր երկրի իշխանական տոհմի փառավոր ակունքները:

Ֆանկի վրա կարելի է տեսնել այն կազմելու ժամանակի դրոշմը: Ցանկը նախորդում է Վաչագան Բարեպաշտին վերաբերող պատմմին: Պատումի հեղինակը ցանկի անունները թվարկելուց հետո հիշատակում է նաև Վաչագանին և նրան բնութագրում այսպես. «Սակայն ոչ ումեք ի նոցանէ (թվարկվածներից. — Ու. Բ.) այսպիսի աստուածային և հոգևոր ծածկեալ գանձ յայտնեալ ընձեռեցաւ՝ որպէս վերջինս Վաչականայ Բարեպաշտ Աղուանից արքայի»⁵⁴:

Այստեղից երևում է, որ ցանկը կազմվել է Վաչագանի ժամանակագրի ձևորո՞ւմ: Առտնշահիկ թագավորության հիմնադրի մասին պատմողը, այդ թագավորության հետ կապելով իր հայրենիքի ազատության ու ժողկու՞մի հույսերը, միաժամանակ փորձում է զարդարել նրա տոհմաբանությունը՝ ակունքի մոտ գնելով Արշակունիներին, նույնիսկ Սասանյաններին⁵⁵, X դ. շարահարույի տրամադրությանը շատ համահնչուն է եղել այս ցանկն իր անիրական ու իրական հիմքերով:

Դասխուրանցու տեսած Աղվանքն Արցախն էր՝ հարեան Ուտիքի մի շարք զավատներով հանդերձ: Այստեղ էր գտնվում նաև հոգևոր կենտրոնը. Արցախի Մեծառուտնք գավառի Բերգակուր ավանն էր կաթողիկոսանիստը⁵⁶: Դասխուրանցին մի արտակարգ ծաղումնարանություն է հորինում նաև այս կաթողիկոսության համար: Նա 552 թ. Պարտավում հիմնադրված կաթողիկոսության սկիզբը տանում է առաջին դարը, և պնդում, թե, իբր, այն ժամանակ Չողում հիմնադրված կաթողիկոսությունից պիտի հաշվել Աղվանքի հոգևոր նվիրատվությունը: Եվ, որքան էլ տարօրինակ, նա այս կաթողիկոսության հիմնադիր համարում է մեկ՝ Եղիշե առաքյալին, մեկ էլ Գրիգոր Լուսավորչի թոռ Գրիգորիսին, որը, ինչքան հայտնի է հենց պատմիչի վկայակոչած աղբյուրներից, հիմնել է միայն եպիսկոպոսություն, ապա՝ նրա աթոռը գտնվում էր ոչ թե Չողում, այլ Արցախի Հարանդ գավառի Ամարաս ավանում, որտեղ և այն մնաց մինչև 552 թ.: Պարտավում կաթողիկոսություն ստեղծելը:

Ահա այս է պատմական իրականությունը: Մինչդեռ պատմիչին անհրաժեշտ էր իր երկրամասը բարձրացնել, ցույց տալ նրա առանձնահատուկ ու արտաստվոր արժանիքները:

Այս ամենի հետ միասին հնարավոր է նաև, որ Դասխուրանցուն իր պատմության մեջ այդպիսի ցուցակ մուծելու է մղել Աղվանքի եկեղեցու վիճակը: Եվ այս լուրրից դրված՝ Աղվանից աշխարհի պատմության շարահարողը ղեկավարվել է «Աղվանք» անվան հետ կապված հին ու նոր բոլոր փաստերն ու տեղեկությունները մի տեղ ժողովելու սկզբունքով: Մասամբ թյուրիմացությամբ, մասամբ (թերևս՝ ավելի շատ) պարզապես իր հայրենիքի պատմությունը շքեղ հյուսելու դիտավորությամբ, նա հավաքել ու միենույն «Աղվանք»

54 Կ ա ղ ա ն կ ա տ ա ղ ի, էջ 51:

55 Նույն տեղում, էջ 57:

56 Նույն տեղում, էջ 394:

անվան տակ է դրել այն բոլոր տեղեկությունները, որոնք հինավուրց աղբյուրներում կային ու վերաբերում էին միայն անդրկուրյան Աղվանքին, և ավելի ուշ շրջանի տեղեկությունները, որոնց մեջ «Աղվանք» նշանակում էր բացառապես Կուրի աջափնյակը: Հետևանքն այն է եղել, որ մի շարքի մեջ են մտել ձախափնյակի հին արքանական կամ մասրութ-Արշակունի թագավորները և աջափնյակի Առանշահիկ իշխանական-թագավորական տան ներկայացուցիչները:

К ВОПРОСУ О ЦАРСКОЙ ДИНАСТИИ АГВАНКА

Б. А. УЛУБАБЯН

Р е з ю м е

Автор окончательного текста «История страны Агванк», с целью установления генеалогии владетелей страны, включил в свою книгу следующий список:

«...Аран был назначен правителем Агванка. Неизвестно число дней от Арана до храброго Вачагана, который происходил из великого рода Аршакидов. Вот имена царей, владевших Агванком в порядке: Храбрый Вачаган, Ваче, Урнаир, Вачаган (второй), Мирхаван, Сато, Асай, Есваген, Ваче, после него Благочестивый Вачаган, царь Агванка».

В дальнейшем этот список был принят историографами и историками-исследователями, как достоверный документ, перечисляющий имена царей Агванка.

Данный список впервые обсуждается на основе первоисточников, в результате чего удастся прийти к выводу, что носители имен, перечисленных в данном списке, отнюдь не являлись представителями одной и той же династии или царями одной и той же страны.

Вачаган Храбрый, не вошедший в список царей Агванка Санесан, Урнаир, Есваген, по утверждению источников, были царями собственно Агванка и представляли Албанскую (массагетскую) ветвь династии Аршакуни. А Ар'ан и его преемники (в списке—Благочестивый Вачаган), не имеющие ничего общего с династией Аршакуни, являлись наместниками и нахарарами Арцах и Утика, представляя Ар'аншахикскую династию.